



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt VII. Propter variarum tentationum pericula, nullam esse libertatis in
hac vita securitatem: quæ ad perfectam libertatem requiritur.

[urn:nbn:de:hbz:466:1-46059](#)

quit, exēunt cogitationes malæ. Hactenus Basilius, in
regulis brevioribus Interrogatione 75. Denique &
Prosper, quod peccetur, id totū diabolo adscribi negat
oportere: qui in peccantium flagitiis, inquit, est illece-
bratum adiutor, non voluntatum credendus est esse
generator. Itaque et si in hominum aductantum co-
natibus, diaboli præcipue feram malevolentiam for-
midare debeamus; non tamen hæc impeditur distin-
ctio: qua nos, ceu tripli hostium acie, vulgo dicimus
impugnari, à carne, mundo & diabolo: quod & caro
nostra proptios habeat impetus, suasque ipsa faces ad-
moueat, omni etiam remoto extero tentatore: & im-
piorum mūdus per seipsum immundus, suaque ipsius
prauitate in maligno positus, non idcirco nulla perse-
cutione sanctorum societatem infestaret, quia nullus
malignus spiritus instigat.

CAPUT VI.

Propter variarum temptationum pericula, nullam esse libera-
tis in hac vita securitatem: quæ ad perfectam libertatem
requiritur.

Quæcumq; ita sint, quis bona mente prædictus illos
audiendos putet, qui ita securitatem (sine qua
perfectæ libertatis constare ratio non potest) in hac vi-
ta constituant, ut credi etiam hoc dicant oportere, noi-
si in finem usque perseveraturos? Absurdum enim pro-
fus est, mediis in periculis, quæ nobis tot hostium cu-
nei instructissimi faciunt, securitatem ponere, atque in
bello pacem esse dicere. Sed & perniciolum est, inter
confertiissimos hostes stantem, falsa & subdola prædi-
cazione securitatis, solicitudinis ac timoris cautione
nudare. Denique præposterum est, huic velle vitæ
buere, propter quod allequendum ex ea migrate san-
cti semper omnes cupierunt. Simeon ille iustus, ait
Cyprianus, qui verè iustus fuit, qui fide plena, Dei

Serm. 4. de
mortuitate.

GRUD

præcepta seruauit; cùm ei diuinitus respōsum fuisset,
quòd non ante moreretur, quām Christum vidisset, &
Christus infans in templū cum mātre venisset: agno-
uit in Spiritu natū esse iam Christum, quo viso, sciuīt
cīd se esse moriturum: lētus itaque de morte proxima
& de vicina accersione securus, accepit in manibus
puerum, & benedicens Deum exclamauit, & dixit:
Nunc dimittis seruum tuum Domine, secundūm ver-
bum tuum in pace: probās scilicet & contestans, tunc
esse seruis Dei pacem, tunc liberam & tranquillam
quietem, quando de istis mundi turbinibus extracti,
sedis & securitatis æternæ portum perimus: quando
hac expuncta morte, ad immortalitatem venimus. Illa
est enim nostra pax, illa fida tranquillitas, illa stabilis
& firma & perpetua securitas. Cæterū quid aliud in
mundo, quām pugna aduersus diabolum quotidi-
geritur? quām aduersus iacula eius & tela, conflicta-
tionibus assiduis dimicatur? hæc aliaque plura D. Cy-
prianus, perfatum esse demonstrans, aliquam in hac
vita securitatem fingere, prætextu libertatis, quæ hīc
imperfecta tribuitur. Liberi enim sumus quidem à
peccati & diaboli servitute, sed tanquam pulsa febri,
aut graibus diuturnisque vinculis resolutis, languor
& imbecillitas remanet, per quam lapsu facili corrui-
mus iterum, nisi in gratiam incumbentes, ac sicut sa-
cer canit Psalmus, Habitantes in adiutorio altissimi,
celesti eius fulcimento & protectione muniamur. In-
constantia enim, ut ait Sapiens, concupiscentiæ, trans- cap. 4.
vertit sensum sine malitia. Nam cùm modò sedata est,
nullaque tentatione commota, modò per æstus quos-
dam suos exsurgit atque intuinescit: tum bona quidem
illa, sed imbecilla voluntas, paulo momento hic illuc
impellitur. Eam ob rem admonet per scripturam di-
uina vox, ut qui existimat stare se, videat ne cadat, 1. Cor. 10.
Tanquam enim in lubrico consistentes, vel leui sæpe
tentia-

tentationis vento deiçimur: alio quoque in loco sic
 repressus est humanæ præsumptionis tumor, diuina
 Sapientiæ verbis: Ne glorieris in crastinum, nesciens
 quid superuentura pariat dies. Sic & gentilis Christia-
 ni, aduersus Iudæum in solescentis, est in epistola ad
 Romanos castigata iactatio: Dicis, inquit, fræcti sunt
 rami, ut ego inserar: bene, propter incredulitatem fra-
 cti sunt. Tu autem fide stas. Noli altū sapere, sed time.
 Si enim Deus naturalibus ramis nō perpercit, ne forē
 nec tibi parcat. Vide ergo bonitatem & severitatem
 Dei: in eos quidem qui ceciderunt severitatem, in te
 autem bonitatem Dei, si permanferis in bonitate alio-
 qui & tu excidēris. Satis id sibi perspectum censebat
 feruentior ille ceteris discipulus, nunquam se negatu-
 rum esse: at idem non multo pōst, ad vnius ancillulæ
 vocem perterrefactus, negauit. Ergo iusti, inquit Au-
 gustinus, qui viuunt ex fide, sic vident iniustum quid
 illi euenturum sit, ut tamen timeant & sibi. Quid
 enim sint hodie, sciunt; quid cras futuri sint, nesciunt.
 Modò ergo videbunt iusti, & timebunt. Quando au-
 tem ridebunt? quando transierit iniquitas, quando
 transuolauerit tempus incertum. Nunc autem & qui
 iniustus est, cōuersus poterit iustus esse, & iustus auer-
 sus esse poterit iniustus. Itaque nec de te præsumas,
 nec de illo desperes. Hæc ille in Psalmum quinque-
 simum primum. Neque verò est, quod sibi quisquam
 de affuturo blandiatur cælesti præsidio: quod vii pa-
 ratum est humilibus, vigilantibus, petentibus atque
 pulsantibus, assidueque pendentibus de manibus cro-
 cifixi: ita facile sibi placentes, dormitantes, nimimique
 securos, suæ imbecillitati relinquit ac desertos esse pa-
 titur. Hinc cùm dixisset ille in abundantia cordis sui,
 Non mouebor in aeternum; statim insolentia huins
 pœnam se subiisse memorauit, dicēs: Auertisti faciem
 tuam à me, & cōtinuò, ruina videlicet mea, factus sum
 contus-

Proverb. 27.

Rom. 13.

Psalm. 49.

conturbatus. Quapropter cum metu, inquit Paulus, <sup>Ambr. lib. 30.
in Lucam.</sup>
& tremore, vestram salutem operamini. Deus enim est ^{Philip. 2.}
qui operatur in vobis velle & perficere, pro bona sua
voluntate. Et rursum ad Hebræos cap. 12. Regnum,
inquit, immobile suscipientes, habemus gratiam per
quam seruiamus placentes Deo cum metu & reueren-
tia. Etenim Deus noster, ignis consumens est. Propter
hoc ipsum, & illa resonat de Psalmis omni obseruatio-
ne digna vox: Seruite Domino in timore, & exultate
ei cū tremore. Videte, inquit Augustinus, quēadmo-
dum eloquium Dei in nostra felicitate tollat nobis se-
curitatem. Seruite Domino in timore, & exultate ei
cum tremore. In exultatione, vt gratias agamus: in tre-
more, ne cādāmus. Et addit: Apprehēdite disciplinam,
ne quando irascatur Dominus, & pereatis de via iusta.
Non ait, ne quādo irascatur Dominus, & nō vos intro-
ducat in viā iustā: sed iam illic ambulātes, sic tertēdos
iudicauit, vt diceret; Ne pereatis de via iusta. Atqui
vnde, inquis, etiā iusto tantū periculi? Nimirum à su-
perbia, quæ in ipsis propriètē factis cālenda est, id
est, in ipsa via iusta: ne homo (inquit beatus Augusti-
nus) dum quod Dei est, deputat suum; amittat quod <sup>Lib. de natura
& grat. c. 33.</sup>
Dei est, & redeat ad suum. Idcirco D. Hieronymus sic
virginē hortabatur Eustochium: Nolo tibi superbiam
venire de proposito, sed timorem. Nemo inter serpen-
tes & scorpiones tutus ingreditur: magnis inimicorum
circundamur agminibus: hostium plena sunt omnia.
Quamdiu hoc fragili corpore detinemur, quamdiu
habemus thesaurum istum in vasis fictilibus, & con-
cupiscit spiritus aduersus carnē, & caro aduersus spi-
ritum, nulla est certa victoria. Adversarius noster dia-
bolus, tanquam leo rugiens, aliquem deborate quæ-
rens, circuit. Si Apostolus vas electionis, & separatus
in Euangelium Christi, ob carnis aculeos & incentiu-
vitiorum, reprimit corpus suum, & seruituti subiicit,

ne alijs prædicans, ipse reprobus inueniatur: si post nuditatem, ieunia, fames, carceres, flagella, supplicia, in semetipsum reuersus, exclamat: Infelix ego homo, quis me liberabit de corpore mortis huius! tu te putas securam esse debere? Caeve, quæso, ne quando de te dicat Deus: Virgo Israël cecidit, & non est qui suscitet eam. Sic Hieronymus. Qui quod de Paulo commorat, etiam atque etiam considerandum est. Si enim ille (ut Augustinus ait) tantus Apostolus potuit extolli magnitudine reuelationum, ut ideo, ne qua illi inde surrepereret elatio quæ ipsum subuerteret, angelum Sarah pateretur, qui eum tanquam puerum colaphisaret; quis de se possit esse securus? De nostra ergo stabilitate, inquit Cyprianus, certum nihil habemus; qui sine cessatione concutimur, inter fluctus saceruli sustinentes procellosos insultus. Hic autem illæ nostræ sunt ad vindicandum vires, hoc robur atque præsidium, si de crucis per singulos actus auxilio fidamus quam maximè: atque id humilibus sedulisq[ue] precibus, qualibet obortatione, ambiamus. Id quod forsitan proiectiores quidam, & qui se à perfectionis culmine haud procul abesse arbitrentur, non admodum ad se pertinere censemunt. Iustitiae namque habitu confirmato, longiorisq[ue] vite jam magnis exercitiis robato & aucto, victores se fore præsenti virtute, haud immixtò sperabunt. verum falluntur hi plurimum, nec se tum maximè periclitari vident, cum minus periculi perimescant. Quanquam enim iij quos iam recensè copio peccatorum, Domini extraxit manus, ob prioris via consuetudinem obliustantesque eo magis cupiditatis, quo magis eis nova iam morum commutatione resistitur, periculum suum quotidie sentiant, tamen & iij qui multum in virtutum via processerant, longeque a tergo via reliquissimè videntur, bonis etiam operibus abundantes, haudquam periculo carent maximo.

quod

In Psal. 130.

Lib. de sing.
clericorum.

on

x

quod quo minus sentitur, eo magis suspectum haberi
debet, studiosiusque caendum est. Etenim cæteris
vitæ vitiis debellatis, vna bonis oportibus, magnisque
virtutibus insidiatur superbia: quæ dum incautu-
minusque prouidentem extulit, repente in scelera maxi-
ma læpe præcipitat: aut si non aliam affert manifesto-
rem scelerum perniciem, vbi subinde propter confu-
sionem agnitionem que sui, ad inungendos oculos col-
lyrij medicina parata est: grauissima tamen haec peste
necat, quod bonorum operum fructum intercipit. In
quibus dum sibi placet, efficit ut nihil placeat Deo, so-
lamque virtutum inanem speciem, ac veluti corticem,
corroso consumptaque soliditate, relinquit. Nam sub-
ducta humilitate, ait Chrysostomus, etiam si ad ipsum *In Matthæus*
vique cælum, conuersationis sublimitate peruenias, *Homilia 14.*
simul omnia subtrahuntur, atque in finem pessimum
relabuntur. Etenim siue orationem, siue ieunium, siue
misericordiam, siue pudicitiam, siue aliud quid bono-
rum, absque humilitate congreges; statim cuncta de-
fluunt, cunctaque doperentur. Idem que de vanæ gloriae *Homilia 19.*
enviditate disceiens, Clam, inquit, hæc ingreditur be- *in Matthæus.*
stia, cunctaque bene ostenta, intus maxima cum quiete
& absque ullo sensu perdentis exportat. Præclare igitur
D. Augustinus admonuit, enarrans Psalmum 62.
Nemo dicat: Protegat me Christus cum parvulus
sum, quasi aliquando ad tantam magnitudinem possit
peruenire, quæ sibi sufficiat. Sine protectione Dei nihil
es; semper ergo ab illo protegi velimus. Et Prosper ad
Demetriadem virginem, Quia, inquit, inter vitia aut
nulla est aut rara iactantia, & facile spernitur, qui de
opprobrio gloriatur; malum superbiæ maximè virtu-
tibus est caendum. quia nullis oportuniis insidia-
tur, quam quibus laus iusta debetur. Cum ergo per
ineffabilem misericordiam Dei captiuis libertas, per-
ditis salus, mortuis vita reparatur: cum in sacramen-

Crucis & Resurrectionis Christi, ad nouitatem reddit
 vetustas, & ad innocentiam regeneratur impietas, an-
 tiquus hostis malignius fremit, & acris inardescit: &
 cum innumeris nocendi artibus humanum genus ni-
 tatur auertere, serens discordias, incitans iras, acuen-
 cupiditates, suadens turpia, falsa commentans, & er-
 rorum laqueos per opinionem commenta multiplicans,
 plus virtutis de virtute, quam latet de fragilitate la-
 bentium. Multi enim seruientes Deo, & in lege eius
 die ac nocte meditantes, crucifixerunt carnem suam
 cum desideriis & concupiscentiis, omniumque illece-
 brarum incentiuia domuerunt: non damnis vieti, non
 persecutionibus fracti, non prosperitatibus deprauati
 mundum istum nec dilexere obsequente, nec timueri
 terrentem. Tantam itaque firmitatem & tam sublimem
 propositum, qua impugnatione posset diabolus ad-
 riri, nisi ut quibus non potuerat persuadere vitorum
 amorem, immitteret laudis cupiditatem? & inde no-
 uissima instrueretur tentatio, unde nocuit prima de-
 ceptio? Non itaque desidiosis & tepidis, neque ineru-
 bus & incultis, sed magis quibusdam animis sedulis, &
 bonorum actuum probitate luculentis, per gloriam
 irrepsit humanam; & quos impulsione non mouit, elati-
 one deiecit. Quanto enim clariores erat meritis, tan-
 to eos aptiores suis inuenit insidiis. In Paradiſo namq.
 Ecclesiæ constitutos, & virtutum deliciis abundantes,
 ad confidentiam liberi incitauit arbitrij: ut profectus
 suos in se constituerent, & ad arborem propriæ volun-
 tatis, manum præsumptionis extenderent. Et hæc qui-
 dem D. Prosper de perfectorum periculo scripta reli-
 quit. Quam eius utilissimam doctrinam D. Augusti-
 nus una hac breui sententia complexus fuerat: Quo pri-
 mū vitio superatus est homo, hoc ultimum vincit.
 Cum enim omnia peccata superauerit, manet pericu-
 lum, ne bene sibi mens conscientia, in se potius quam in

Domino

Dom
 eiusd
 factis
 recte
 carm
 Sob

Non
 qui st
 se sta
 ipsius
 num
 num
 nis q
 toru
 chari
 perga
 ment
 confi
 viam
 nos sl
 profu

Quan
 à
 ui

C
 abon
 magis
 bolus
 uoce
 nulli
 tere,
 telib

Domino glorietur. Illa quoque à diuo Prospero inter eiusdem sententias numeratur: Omnia vitia in malefactis tantummodo valere: solam superbiam enim in recte factis esse cauendam. Nam, ut hoc ipse Prosper carmine reddidit,

Sola est innumeris armata superbia telus,

Epigram. 42.

Cui possunt vires & bene gesta dare.

Non ergo nimium (ait D. Chrysostomus) confidant qui stant: sed secum crebrò illud reputēt: Qui aestimat se stare, videat ne cadat. Nouimus enim multos ad ipsius cæli ferè verticem conscendisse, omnes virtutes numero habuisse, deserta deuiaque loca, à vita hominum aliena coluisse; ac denique feminam ne in somnis quidem vidisse: & tamē negligentia lapsos, ad vitiorum barathrum deuenisse. Et infrà: Causamus, ait, charissimi, & per angustum iter illis contemptis ita pergamus, ut confidere & timere verè videamus. timentes, quoniā ex utraque parte varia præcipitia sunt; confidentesque, quoniam Iesus dux noster est, mature viam sobrij atque vigiles pergamus. Non enim sumus nos stabiliores quam David, qui parua negligentia in profundū peccati detrusus fuit. Hęc D. Chrysostomus.

CAPUT VIII.

Quanto in errore versentur qui nunc asserunt hominem semel à peccato & diabolo liberatum, in priorem seruitutem recidere non posse.

Cum igitur nec ipsa quidem, quę haberi in hac vita potest, iustitiae qualiscumque perfectio secura sit, ab omnique ruinæ periculo remota; sed ob id ipsum magis metuere debeat, quod aduersarius noster diabolus, ad acrius impugnandum, clariori virtute provocetur: per facile est erroris absurditatem, in quo non nulli hac quoque tempestate versantur, & animaduertere, & conuincere, quo is qui semel sit peccati seruitus liberatus, veraque donatus iustitia, cadere deinceps asseritur

*Homil. 27. in
Mattheum.*